

Kontuola

ANTZUOLA / Egubakoitza / 2002ko maiatzaren 3a / 111. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Autobus zerbitzua zabaltzearen aldeko sinadura bilketa egin dute herrian

AINTZANE IRIZAR

Herriko hainbat guraso sinadurak batzen ibili dira, autobus zerbitzu hobea eskatzeko. 104 sinadura batu dituzte guztira, eta Antzuolako Udalean aurkeztu dituzte. Hala, Udalarari eskatu diote ekain erditik uztailean Bergarara joateko Udal Zerbitzu bat ipintzea.

Herriko 104 lagun sinadurak batzen dituen idatzia aurkeztu zuten astelehenean udaletxean. Idatzi horren bidez zera eskatzen diote Antzuolako Udalarari: "Bergarako igerilekuetarako joan-etorriari egiteko, behintzat, garraio bat ipintzea Udal Zerbitzu moduan". Idatzi horren sinatzaileek argi laga dute, ordea, ez dutela inola ere eskatzen autobus zerbitzu hori doan izatea.

Sinadurak batzen ibili diren herritarretako batek zera adierazi digu: "Ez dugu urte osorako autobus zerbitzua eskatzen, badakigut eta gastu handia ekarriko lukeela. Guk eskatzen dugu udako hila-beteetan autobus gehiago jartzea, Antzuolako jende asko joaten delako Bergarako igerilekuetara". Gaur egun badaude Bergarara joateko hainbat autobus, baina ordutegia ez da batera ego-



Begarako igerilekuetara joateko garraio bat ipintzea eskatu dute, Udal Zerbitzu moduan.

kia. Eguerdiko hamabietan dago bat, goizegi, euren ustez, eta bostetan beste bat, beranduegi igerilekuetara joateko.

Umeen gurasoenak dira bafu dituzten sinadura gehienak, baina badira herriko hainbat neska-mutikorenak ere.

UDALAK ESKAERA AZTERTUKO DU

Mireia Unamuno alkatearen esanetan, Udalak berak ere betidanik izan du garraio publikoaren gaineko kezka, eta orain herritarrek aurkeztu duten eskaera hori aztertuko dutela adierazi digu. Mireiaren esanetan, igeri-

lekuetara joateko ez ezik, herritarrek bestelakoetara joan beharra ere izaten dute Bergarara: medikuarenera, enkarguetara...

Bestalde, Mireia Unamunok azaldu digunez, Gipuzkoako Foru Aldundiaren eskumena edo ardurara da garraio publikoa.

HERRITARREN HITZA / Alaitz Jauregi • Gizarte laguntzailea

Antzuolako jaietako paranoia

Joeee... hamarrak bost gutxiu dia, hamarretan diania jo bihar, eta ni preparatzeke! Nik dauzkat gibelak! Azkarrau egitteko, pijamian prakak belaueraino erremangau uniformeko gona azpira, kaikua lotu, txapela jarri eta banoia. Atetik irten eta Diossssss!!! Kriston freskuria hanketan! Pare-parian mangeriakin kaliak garbitzen! Hi, mosolo! Jo, zelako aurpegi ezaguna, ai ama! Korreotako sellotako buruhaundi hori data! Ia Surpe parian noia, txistu hotsa entzuten dot, kaka zaharra! Ez naiz alleatzen! Hiru

datoz. Ze joten ete dihardue? Zelako geizki... Haiba la letxe! Maria Teresa Kampos, Karmina Ordoñez eta Ana Rosa Kintana dirata! E!, zeinek jo dost ipurdian? Harrapatzen ba haut! Bueltia hartu eta han topatzen dittut kabesuduak! Zeintzuk eta Arzallus, Otegi eta Iturgaitz! Kareta barik irten dira, baiña betiko marineruak baiño bildur



"Hau da goiza, nahixau neban ohetik jaiki ez banitz"

Badakitt zer egin. Egunkarixa erosi eta etxera jungo naiz.

haundixaua emoten dabela! Goruntz natorrela, tipo bat ikusten dot pasamontañas batekin abadexeko paretan pintadak egitten! "Euskaraz eta kitto!" ipini dau. E! Zu! diar egin eta bueltia hartu dabenian... Garzon da!!! Buenooo... hau da goiza, nahixau neban ohetik jaiki ez banitz. Ya esta.

Hartu egunkarixa eta dirua etaratzerauzkuan aluzianauta geratu naiz: euro bakoitzak euskal preso baten argazkixa dakar eta "presoak etxera" jartzen dau. Zeozer ganorazkua ikusi dotenian be... Ordaindu eta banoianian "España va bien" ez dost ba esaten dendarixak! Nahikua da, e! Zera esan jat neure buruari: Alaitz, hobe dozu ohera jun eta ez jaikitzia mozkorra ondo pasau arte.

Aste hontako artikulua Kalebarrengo zubixan nere artikulua serixo hartu ala ez dudetan egoten zala esaten zostenari dedikatzen jat.

LABUR

Jai batzordea hasi da herriko jaiak antolatzen

Txistulariak, dantzariak, Udaleko arduradunak, gaztetxe-koak, tabernariak, Gurasoen Elkartekoak, kintoak eta beste hainbat herritar ibiliko dira aurtengo herriko jaiak antolatzen.

Lehendabiziko batzarrak egin dituzte dagoeneko, eta aurtengo jaietarako berritasun bat aurreratu diote KONTUOLARI: egubakoitz gaue-rako txokolate jana antolatuko dute.


Imersoko bidaietarako hainbat eskaera

Imersok eskaintzen dituen bidaietarako eskaerak egiteko epea bukatu da dagoeneko. Antzuolako Udaleko Gizarte Ongizateko bulegoan hamasei eskaera jaso dituzte guztira. Hamasei lagun horiek aurretik bidaia horietan sekula egon ez direnak dira. Behin eskaerak egin da, zozketa egingo dute laster, eta uztaileko, gutxi gorabehera, jasoko dute erantzuna izena eman dutenek.

Bidaia horiek urritik datorren urteko apirila bitartean izango dira.

Oraingo egunean egin dute Udaleko osoko bilkura

Aurreko asteko KONTUOLAN akats bat egin genuen. Joan den asteko egunean osoko bilkura egingo zutela iragarri genizuen, eta hantxe aztertuko zutela Euskal Herriko Naziotasun Agiriaren gaineko mozioa. Hori ez zen horrela. Izan ere, hilabeteko lehen egunean batzen da Antzuolako Udaleko udalbatzarrak. Hortaz, atzo, eguna, egitekoak ziren maiatzeko osoko bilkura, eta hantxe aztertukoak Antzuolako Bai Euskal Herriari taldeak aurkeztutako mozioa.



Kanpandorreko erlojuetako bat jaitsi zuten, konpontzeko

Kalebarren aldera begira dagoen kanpandorreko erlojua izorratuta zegoela-eta, kendu egin zuten joan den astean. Kanpandorretik jaitsi dutenez, aberia konpontzeaz gain, erlojua pixka bat eraberritzeko aprobetxatu dute aukera. Horrela, orratzak pintatu eta junta berriak jarri dizkiote, besteak beste. Udaleko langileek egin dituzte konponketa eta eraberritze lan guztiak./A.I.

KIROLA

Paleta Txapelketako finalerdiak zapatu goizean jokatu dira

Bihar, zapatua, jokatu dituzte Herri Mailako Paleta Txapelketako finalerdiak. Goizeko bederatzita eta erdietan hasiko dira.

Maila bakoitzean bina partidu jokatu dituzte; horrela, erabakita geratuko da maiatzaren 11n zein bikotek jokatu dituzten txapelketako finalak.

Aritz Berraondok bigarren mailan jokatu du

Xabier Imazen aurka 22-15 galdu ondoren, bigarren mailara jaitziko da Aritz Berraondo.

Joan den egubakoitz gauean jokatu zuten partidua, Sondikako frontoian; biek zuten lehen mailatik bigarrenean jaisteko arriskua, eta ez zen batere partidu ona izan, urduritasunak eraginda, beharbada.

PARTIDUAK

FUTBOLA

Maiatzak 4

16:30: Antzuola-Almen (neskak)

Maiatzak 5

11:00: Antzuola-Antoniano (kadeteak)

PILOTA

Maiatzak 4 (Pala txap. finalerdiak)

Lehen mailan

09:30: Manso-Iturbe / Arbulu-Zabalo

11:30: Azkarate-Jauregi /

Toledo-Peñalba

Bigarren mailan

10:30: Azkarate-Rodríguez /

Arregi-Gezalaga

11:00: Biteri-Biteri / Peñalba-Segurola

EMAITZAK

FUTBOLA

Antzuola 4 Gazteak B 3 (2. erreg.)

Zumaiko 5 Antzuola 0 (neskak)

Antzuola 3 Eibartarra 4 (gazteak)

Martutene 2 Antzuola 7 (kadeteak)

OHARRAK

ZORION AGURRAK

Berrigara aldizkarian zuen senitartekoak edo lagunak zoriondu nahi baldin badituzue, Antzuolako Udal Liburutegira eraman ditzakezue argazkiak. Zorion agurra argitaratu nahi duzuen asteko astelehenean eraman beharko dituzue argazkiak liburutegira, arratsaldeko bostetik zazpitarera.

ODOL ATERATZEAK ASTELEHENEAN

Datorren astelehenean, maiatzaren 6an, egingo dituzte urteko bigarren odol ateratzeak. Oraingo honetan astelehenez izango dira ateraldiok, eta ez eguaztenean, ohi bezala. Parrokiako aretoan egingo dute odol ateratzea, arratsaldeko seietatik aurrera.

BOTEPRONTOAN/ Jose Anjel Arbulu · Odol Emaileen Elkarteko arduraduna

“Odol emaileen portzentajea askoz handiagoa da herri txikietan hiri edo herri handietan baino”

Datorren astelehenean, maiatzaren 6an, egingo dituzte urteko bigarren odol ateratzeak Antzuolan. Hori aitzakia hartuta, Antzuolan Odol Emaileen Elkarteko arduradun Jose Anjel Arbulurekin berba egin dugu.

Noiz eta zelatan sortu zen Antzuolan Odol Emaileen Elkartea?

Nik neuk hemezortzi bat urte daramatzat elkartearen, baina hori baino lehenago sortutakoa da; hogeita bost bat urte izango dira. Bittor Arbulu eta Benito Ramírez izan ziren elkartearen sortzaileak.


Zenbat odol emaile dago gaur egun Antzuolan?

Odol emaileak asko, baina beti

ematen dutenak laurogei bat egongo dira. Kontua da 350 bat daudela elkarteko zentsuan, baina kontuan hartu behar da odola behin ematea nahikoa dela zentsu horretan sartzeko. **Urtean zenbat odol ateratze egiten dira herrian?** Hiru: urtarrilean, maiatzean eta irailean.

Gizartea kontzientziatuta dagoela uste duzu?

Bai; herri txikietan, batez ere. Herri txikietan gauzak errazago egiten dira herri handietan edo hirietan baino. Odol emaileen portzentajea askoz handiagoa izaten da hirietan baino. Osasunaren Munduko Erakundeak esan du batez besteko ona dela urtean 1.000 laguneko 50 odol emate egotea.



Antzuolan odol ateratze bakoitzean 80 bat emaile etortzen dira; hortaz, urtean 240 bat. Horrek esan nahi du oso emaitza onak dauzkagula. Nik uste dut hori gertatzen dela informazioa errazago zabaltzen delako herri txikietan.

Zelan animatuko zenituzke zalantzan dauden horiek?

Esango nieke oso erraza dela odola ematea; eta gainera, besteei laguntzeko era bat dela. Norberari ia ezer kostatzen ez zaion ekintza baten bitartez, jende askori laguntzen diozu. **Zer egin behar du lehen aldiz odola eman nahi duenak?** Astelehenean, 18:00etan, parrokiako aretoa etortzea nahikoa da. Gero, han esango diote zer egin behar duen.

Igor eta Txomin



Margoak
orokorrean

ANTZUOLA
609 157 131

BERGARA
609 150 164

Tomas Gezalaga

Apaintetarako eta
industriarako pinturak
•
Paper margotuak
•
Moketak eta tapizatuak

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR

tabema eta
gozotegia



Buztinzuri 13 ANTZUOLA
Tf. 943 78 70 32

Tomas Gezalaga

Zoruen kutxilatua
eta
barnizaketa

Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

LARREA

TABERNA

Kalebarren 17
ANTZUOLA